



## Universitätsbibliothek Paderborn

**R. P. Sebastiani Henrici Penzingeri, Consistorialis  
Passaviensis, Decani, & Parochi in Trauttmansdorff ad  
Laitam Bonus Ordo Triplicis Formatæ Concionis Moralis In  
Omnia Festa Sanctorum In Amplissima ...**

**Penzinger, Sebastian Heinrich**

**Solisbaci, 1698**

In Festo Sancti Matthiæ.

[urn:nbn:de:hbz:466:1-51763](#)

# IN FESTO S. MATTHIAE APOSTOLI.

## CONCIO PRIMA.

Revelasti Es parvulus. Matth. 16. cap.

*Textus:*

Humiles spiritu, tangit bona fors.

*Thema.*

**D**otissimus Josephus Mansius in Promptuario sacro, super festum S. Matthæi disc. 3. afferit, quod nomen *Matthias* significat *Parvus*, glossa verò vult, *parvum*, sonare *humilem spiritu*, adeoque Matthias, idem sit, ac *parvus*, *humilis spiritu*. Testantur nunc Acta Apostolorum cap. 1. super Matthiam, super parvum, humilem spiritu, cecidisse sortem, sortem ter optimam, dignitatis Apostolatus. Audiatur S. Ambrosius, super Psal. 112. *Etenim, quia necesse habebat, perire filium perditionis, oportebat in locum ipsius subrogari filium salutis.* Super Matthiam, parvum, humilem spiritu, cecidit optima fors, Dei gratiæ, singularis sanctitatis, & vita innocentiae, de qua Dionysius Carthusianus serm. in lect. *Fuit vir, valde præcipua perfectionis, approbataque sanctitas, tam coram Deo, quam coram hominibus.* Super Matthiam, parvum, humilem spiritu, cecidit fors eximia doctrinæ, & intelligentiæ, teste S. Antonino, citato ab Hugo ne in cap. 11. Matth. *Matthias in lege Dei, fuit doctissimus, insolvens questionibus Sacra Scriptura acutus, in Consilio providus, in sermocinatione expeditus.* Capiamus inde hoc documentum; parvulos, humiles spiritu, id est, qui sùa sponte, & voluntariè humiles sunt, manet bona fors divinarum gratiarum. Probo Scripturæ *Textus Scrit.* Textibus: *Glorietur autem frater, in exaltatione sua, dives aurem pueræ.* in humilitate sua. Jacobi cap. 1. *Humiles spiritu salvabit.* canit David,

Z

vid,

vid, Psal. 33. Humilem spiritu suscipiet gloria. Prov. 29. In sancti habitans & cum contrito & humili spiritu, ut vivificet spiritum humilem, Isaiae 57. Super quem requiescam? inquit Deus, nisi super humiliem, Isaiae 66. Audiamus Patres. Altus est Deus, humiliatus descendit ad te, humilia de proximo respicit, ut attollat, ut bonum repleat. S. Augustinus in Psalmos. Bona humilitas, qua nihil appetit, totum, quod contemnit, adipiscitur. S. Ambrosius lib. 7. super Lucam. Humilitati se facilè inclinat divina Majestas, huc enim exaltat, hec est, quæ dicit ad vitam. S. Bernardus serm. 2. de afflitione & iterum serm. 4. in vigiliâ nativit. Quid humilitate dicitur? Quæ pretiosius inventur? quæ nimirum Regnum cœlorum emitur, & dicitur gratia acquiritur. S. Hieronymus Epist. ad Lactantiam scribit. Nil aquæ est, quod nos ita, & hominibus gratos, & Deo facit, quam si vita merito magni, humilitate insimilsumus. Audiatur pro conside Thomas Kempensis, lib. 2. cap. 2. §. 2. Humilem Deus proprie & liberat, humilem diligit, & solatur, humili homini se incolat, humili largitur gratiam magnam, & post ejus depressionem ad gloriam, humili sua secreta revelat, & ad se dulciter trahit, invitat. Eodem lib. 2. cap. 8. §. 3. hortatur: Esto humilis, & tecum Jesus. Materiam hanc, invocatâ Spiritus S. gratiâ, confortibus stabiliam.

## CONCEPTUS I.

*Confirmatio  
seu  
Deductio.*

Joannes cap. 4. narrat, Christum Dominum Salvatorem nostrum ad Mulierem Samaritanam dixisse; Qui autem biberit ex aqua quam ego dabo ei, fieri in eo fons vite, salientis in vitam eternam. Quid putatis, per hanc aquam vivam intelligi? Respondet Bernardinus Senensis, tom. 2. serm. 31. Art. 2. cap. 2. Per talen aquam gratiam gratum faciens designatur, hoc est, donum Dei. Ergo Christus aquam divinam aquæ comparat: Cur aquæ? explico me: Ad fontes limpidos, experimur in terræ profundo scaturire, & dilire, torrentes & fluvios cernimus solum in humilibus vallis grato murmure fluere, & permanere: inclinat se nunc viator vacuo, quod magis se inclinat, quod vas magis vacuum afferit. Flumen & rivus, aquam copiosius & liberalius elargitur, & affidit. Gratia Dei aquæ nunc comparatur, ad nos, instruendum,

sicut aqua in profundas valles, sic gratia Dei in humiles mentes & corda copiosissime sese diffundit; sicut fons & rivus liberalius aquas elargitur, quod vas vacuum & capacius quis attulerit, ita quod mens & cor hominis magis humile, ab existimatione sui magis vacuum fuerit, eò gratia Dei liberalius se ei infundit, elargitur. Sic Conceptum subscribit S. Bonaventura serm. 2. de uno Confessore. *Cum humilitas rectè Deo subjiciat, ad majus auxilium diuinum mentes parat, unde Deus humilibus dat gratiam, & tanto majorem, quanto invenerit mentem humiliorem.* Per pulchre scribit S. Laurentius Justinianus, de ligno vita cap. 3. *Sicut non patitur natura vacuum, quin illud replete, sic nec gratia humilis, quin se illi infundat. Humiliare ergo, O homo, evacua cor tumore elationis, quia tanto perfunderis abundantiori gratia, quanto mundior fueris à face presumptionis.*

## CONCEPTUS II.

Fatetur dilectus, Cantic. 2. *Descendi in hortum meum, ut videam poma convallium.* Ergo sibi dilectus specialiter in fructibus vallium complacet: Cur in fructibus vallium? Experiens teste, convales fertilissima locorum campestrium pascua, agros pingues exhibent; fructus convallium sunt ordinario ditiones, pinguiores, abundantiores, quasi naturæ Dominus, liberalissimus, & profusissimus sit erga valles. Quid per valles spiritualiter intelligitur? dicit Climacus gradu 25. de scalâ Paradisi, Num. 9. *Vallis enim anima est, que inter montes laborum & virtutum semper depressa, humilis & immobilis manet.* Sicut nunc naturæ Dominus, liberalissimus, profulssimus est erga valles terræ, dona naturæ copiosius elargiendo: sic gratia Dominus, Deus inquam, liberalissimus, profusissimus est, erga humiles mentes, maximas gratias, & dona copiosissima communicando: Percipere libeat S. Gregorium, in cap. 6. Cantic. *Quid est, quod non poma montis, sed poma convallis, ut videat, descendit, nisi quod illis respectum sue miserationis tribuit, quos in humilitate persistere cognoscit.*

## CONCEPTUS III.

Postquam fratres Josephi, Bejaminum adduxissent, se eis velat, & liberalissima dona profundit: *Imple saccos eorum frumento, quantum possunt capere.* Genes. 42. cap. Cur Joseph amorem liberalis sit ad præsentiam Benjagini, percipite. Bejaminus minus erat. *Fratrem vestrum minimum ad me adducite.* Per hanc fratrem minimum, inquit S. Antonius de Padua, de Apostolis 4. intelligitur humilitas. Hæc est Dei Benjaminus; parvum humilem, abjectum, demissum, qui se Deo exhibuerit, ei se Jesu lat, erga eum gratias liberalis est; imo quanto humilior quis sit, tanto ei Deus gratias confert ampliores. Patet Matth. 5. cap.

## CONCEPTUS IV.

Justissimus præmiorum elargitor enumerat Matth. 5. qualiter bona opera sit certius remuneraturus. *Beati pauperes spiritu, quoniam ipsorum est regnum cælorum:* Beati miti, niam ipsi possidebunt terram: Beati, qui lugent, quoniam combuntur; Beati mundo corde, quoniam ipsi Deum videbunt. Misericordes, quoniam misericordiam consequentur. Optime dicit S. Laurentius Justinianus lib. de humilitate cap. 8. Remunerationem incipere a pauperibus spiritu; dein ubi alii præmium in futuro promittit, pauperibus spiritu, in præsenti præmium elargitur; non enim dicit, horum erit, sed horum est regnum cælorum: primos enumerat in præmio pauperes spiritu, in futurum, sed in præsenti, & actualiter remuneratur. *Est regnum cælorum.* Qui sunt illi pauperes spiritu? *Sunt etiam humiles, animo submissi,* inquit citatus Sanctus: Humiles coram spiritu pauperes, primum locum obtinent, in gratia divina, illi quos divina bonitas in præsenti remuneratur: *Humiles etiam priusquam de corpore migrant, jam Deum possident, caribus abundant.*

CON

## CONCEPTUS V.

Genes. 18. cap. legimus, SS. Trinitatem dignissimā præsentia Abrahamum bēsse, & revelasse, quod sit *futurus in gentem magnam, & benedicēt in ipso omnes gentes*. Locum, in quo Abrahæ, hæc clementissima Apparitio, & promissio facta est, specificat sacer Textus: *Apperuit autem ei Dominus, in Convalle Mambre*. Modum, quo se Abraham erga Deum exhibit, pariter Scriptura recitat. *Loquar ad Dominum, cum sim pulvis & cinis*. Satis fuisset locus designatus, dicendo, apparuit ei Dominus in Mambre; cur additur: *In Convalle Mambre?* Cur convallis additur? Cur tam signanter Abrahæ locutio notatur? *Loquar ad Dominum, cum sim pulvis & cinis?* Ad utrumque respondeo: Per convallem, glossa interlinearis humilitatem intelligit, in convalle Mambre habitavit Abraham, in humilitate constitutus tantum benedicitur & concludit: *Per hoc designatur, quod revelationes Divinae fiant illis, qui sunt in humilitatis convalle*. Signanter verba Abrahæ allegantur, *Loquar ad Dominum, cum sim pulvis & cinis*, quæ profundam cordis humilitatem notant. Pulchrè desuper Alcuinus, interrogatione 108. in Genet. *Apertè enim intelligitur, in quo loco se posuerat, qui pulverem se, ac cinerem, etiam cùm Deo loqueretur, estimabat, sublimitatem promissionum, humilitatis temperavit subjectione*. Hæc humilitate Abraham pater fidei nuncupatus est, qui cùm Divino participaret colloquio, servum se esse dicebat, ac limum. Concludit Ambrosius in Psal. 118. & omnes nos hortatur S. Isidorus lib. 2. cap. 5. *Quamvis summissis, humilitatem tene, si humilitatem teneris, habebis gloriam, quanto enim kumilior fueris, tanto te sequetur gloria altitudo*.

## CONCEPTUS VI.

In Monte Tabor. Matth. 17. cap. clarificatus est Jesus: *Transfiguratus est ante eos, & resplenduit facies ejus sicut sol: Vox Patris intonuit: Hic est Filius meus dilectus, in quo mihi bene complacui. Quid adeo dilectum fecit? Quid gratiis cœlestibus Filium cumulavit? duo testes, ut patet Lucae 5. cap. Moyses & Elias dicebant excessum ejus. Quis hic excessus? excessus profundissimæ humilitatis. Audiatur S. Paulus ad Philippenses cap. 2. *Exinanivit semetipsum, formam servi accipiens, in similitudinem hominum factus, & habitu inven-**

*tus ut homo: Humiliavit semet ipsum, factus obediens usque ad mortem. Excessum profundissimæ humilitatis, eleganter describit S. Ambrosius in Psal. 118. Omnis Dominus factus est minister, & auctor omnium vaporarit, pedes lavit, crucifixus est, mortuus est, sed omnibus detrimentum nullum video divinitatis ejus, perfectam operationis agnosco: qui nihil habebat, quod ad potestatem suam adderet, habuit, quod ad cultum sua Majestatis adjungeret: Non humilitas adserit dispendii: ille, qui se humiliavit, plenus est: id non rapinam arbitratus est, esse se aequalem Deo, formam servare cipiens, in gloria est Dei Patris. Si putas, quod Christo profusum humum sua, cui ergo non proderit? si illum exaltavit, quem non angeli*

## CONCEPTUS VII.

Jesu in cruce pendenti, Pilatus affigit titulum regium: *Rex deiourum. Vix emisit spiritum, ter mitis Jesus, & ipsum centurionem. Filium deprædicat: Verè Filius Dei erat iste. Matth. 27. cap. Quid Argumentum habuit Pilatus, Christum Regio honorandi titulum? Quid convictus centurionem, ut Christum in cruce exanimem? Filium deprædicaret? Argumentum convincens erat, mors Christi humillima. Humilibus spiritu, se omni genere gratiarum, & prægativarum effundit Deus.*

Hortatur nos æterna Sapientia. Matth. 10. cap. *Eftote prudentia sicut serpentes. Prudentia serpentis in hoc consistit, ut in altum erigere, & in aëra profilire valeat, omnibus viribus se in terram deprimere, & quo magis se ad terram deprimere, tanto secundum saltu in altum assurgit. Vis, ô Christiane, in altum gratiarum divinarum assurgere, profundè deprime pectus cognitum, voluntariè te in omnibus humilia, parvus fias cum Matth. 10. cap. 3. Quanto major es, humiliante in omnibus, & coronam Deo invenies gratiam.*



IN

\*\*\*\*\*

## IN FESTO S. MATTHIÆ APOSTOLI.

### CONCIO SECUNDA.

*Jugum meum suave est, & onus meum leve.* Matt. Textus.  
16. cap.

*Jugum suave, & onus leve, est servire Deo,* Thema.  
*juxta vulgatum dicterium: Servire Deo*  
*regnare est.*

 Erta merces & prœmium, jugum suave, onus leve  
reddit; certa & bona merces salarii, mercenario la-  
borem diurnum facilem reddit, merces certæ pro-  
motionis, conflictum cum hoste, etiam periculosissi-  
mum, tamen jucundum facit: Merces copiosa messis,  
vel vindemiae, agricolæ & vinitori, durissima quæque  
onera, & centum difficultates indulcorant; Æterna Veritas, sibi  
servientibus, & quantam mercedem, & prœmium promittit! *Venite*  
*ad me, omnes, qui laboratis, & onerati estis, & ego reficiam vos.*  
Matth. 16. cap. *Qui fecuti estis me: centuplum accipietus, & vi-*  
*tam eternam possidebis.* Matth. 19. cap. *Euge serve bone, quia ex Scriptu-*  
*re in modico fuisti fidelis, eris potestatem habens supra decem civi- rae.*  
tates. Luc. 19. cap. *Jam non dicam vos servos, sed amicos.* Jo-  
ann. 11. cap. *Praecinget se, & faciet illos discumbere, & transiens*  
*ministrabit illis.* Luc. 12. cap. Ergo servire Deo facile, jucun-  
dum, & suave est; servire Deo, epulari est; servire Deo, the-  
saurizare est; servire Deo, jucundari est; servire Deo, domi-  
nari est. Audiamus Patres. *Hac servitus non obligat, sed absolvit;* Patres.  
*Vit;*

*S. Joannes Chrysostom.* *vit; non onerat, sed honorat; abstergit servitutis maculam, non incutit; impleta est Christi sententia, quā dixit: Qui vult ei Dominus, sit servus: Beata est hac servitus, quæ dominationem generat sempiternam.*

*S. Joannes Chrysostom.*

*Chrysostom hom. 22. in Matth & iterum hom. 12. in epist. ad Philipp. Magna revera est hac dignitas, omniumque bonorum caput, servum esse Jesu Christi; quod*

*dem qui Christi verus servus est, nulli alteri servus est. Et in*

*rum in cap. 9. ad Hebræos. Si enim ex una parte servos Dei, a*

*aliâ verò totum mundum comparem, illos invenio virtutis ponden*

*meliores. Eleganter scribit S. Ambrosius de Paradiso, lib. 14. se*

*vitus Dei, donum est, inter benedictiones numeratur hujus ser*

*tutis obsequium. Philo Hebræus lib. de Cherubim inquit: Ser*

*re Deo, maxima gloriatio est, non modo libertate major, sed li*

*vitis & principatu, & omnibus rebus, quas mortales mirantur*

*S. Gregorius. pretiosior. S. Gregorii Papæ. in homil. effatum est: Servire Deum*

*gnare est. Imploratâ S. Spiritus gratiâ, desuper Conceptus dabo*

## CONCEPTUS I.

*Confirmatio  
seu Dedu  
ctio.*

Fluvio Jordane, à Filii Israel feliciter transito, & omni terram trans Jordanem expugnatâ, Josue duodecim tribubus terram distribuit, cuivis tribui partem assignans, exceptâ tribu Levi. Tribui autem Levi non dedit possessionem. Josue 13. & 14. cap. 1 acceperunt Levitæ, aliam in terrâ partem, nisi urbes ad habitandum, & suburbana eârum ad alenda jumenta, & pecora eorum. Tribus Levi, sunt Levitæ, ministri Dei, & altaris, in Veteri testamento: ita liquet ex lib. Numer. cap. 16. Audite Filii Israël numquid parvum vobis est, quod separaverit vos Deus Israel omni populo, & junxit sibi, ut serviretis ei, in cultu tabernaculi. Et ex lib. Deuteronomii. cap. 10. Separavi Tribum Levi, ut portaret Arcam Fœderis Domini, & staret coram eo in Ministerio Tribus Levi, & Levitæ, servi & ministri Domini, non accepimus partem in terræ distributione; Quid hoc? An Deus servorum suorum in distributione oblitus est? Servi & ministri non habeant partem, unde alantur, unde sustententur? Servi & ministri Dei non habeant certam hereditatem, & portionem? Minime: antea terram illam expugnassent Filii Israel, omnium primò ante con-

alias Tribus, jam recordatus est Deus Tribūs Levi, optimā portione & hæreditate servos donaverat, majora, meliora, pretiōsiora præordinaverat. Audiatur Scriptura. *Quamobrem non habuit Levi partem, neque possessionem, cum fratribus suis, quoniam ipse Dominus possessio ejus est, sicut promisit ei Dominus Deus tuus.* Deuter. cap. 10. Et Josue cap. 13. *Sacrificia & victimæ Domini Dei Israel, ipsa est ejus hereditas, sicut locutus est illi.* Servos suos, & ministros, non vulgariter & obviè, sed extraordinariè, speciāliter præmiat, nempe de aula suâ regiâ, & mensâ suâ magnifica, de portione Sacrificiorum Deo sacrorum, eos perquām honorifice prandere, cœnare, vicitare statuit. In novo testamento statutum veteris legis, Christus clementissimè confirmat. Lucæ 12. cap. *Præcinget se, & faciet illos discubere, & transiens ministribit illis.* Et cap. 22. *Vos autem estis, qui permanistis mecum, in temptationibus meis, & ego dispono vobis, sicut dispositus mihi Pater meus regnum, ut edatis & bibatis super mensam meam, in regno meo, & sedeatis super thronos, judicantes duodecim tribus Israel.* Quām verè dixit Gregorius: *Servire Deo, regnare est.*

## CONCEPTUS II.

Narrat sacer Textus in libro Job. cap. 42. *Addidit Deus omnia, quacunque fuerant Job duplia.* Quis est Job: & cur rectè duplia ei Deus addidit? Quis Jobus fuerit, ipsa æterna Veritas afferit libro Job. cap. 2. & 42. Servum suum gratiose intitulando, nominando: *Considerasti servum meum.* Job. cap. 2. *Ite ad servum meum.* Job. Audiatur Tertullianus. *Non abesti greges, non ille in pecore divisa, non filii uno ruina impetu adempti, non ipsius denique corporis in vulnere cruciatus, à patientiâ, fide Domino dedicata exclusit, quem diabolus rotis viribus frustra cecidit, nec enim à respetu Dei, tot doloribus avocatus ille est.* Servo igitur Job addidit Deus duplia; non simplicia, sed duplia: servis suis Deus, duplex apponit, dupliciter, temporaliter & æternum benè habet, qui Deo servit. *Servire Deo, regnare est.*

A a CON-

## CONCEPTUS III.

Ad Moysen inquit ter optimus Deus. *Constitui te Deum tuum.* Exodi 3. cap. Moyses magnus Dei servus. Audiamus Eulium Seleucensem orat. 9. *Cum succrevisset infans, ad suos tritum fugit, & Regia dignitatis spes excutiens, Abrahami cognatione affectavit, impiisque divitiis, piam paupertatem duxit potionem.* Moysen ergo Altissimus idem Deum constituit, quia servire Deum pueru anhelavit. Ita concludit S. Ambrosius. lib. 3. de par. cap. 1. *Etenim victor passionum omnium, nec ullis captus saculi illecedit mentem regens, carnem subjiciens, & Regia quadam auctoritate castigans, nomine Dei vocatus est.*

## CONCEPTUS IV.

Servos Dei profitentur se Seniores illi, Apocal. cap. 5. *Viginti quatuor Seniores ceciderunt coram Agno, habentes singuli cithara & phialas aureas, plenas odoramentorum, qua sunt orationes eorum, & cantabant canticum novum.* Quid præmii pro virtute agnus elargitus est eis? dicunt Seniores citato capite: *Filius noster regnum. &c. & regnabimus super terram.* Deficit Rupertus: *Super terram, quia Dei servi, conditione in terra sed vitâ & conversatione super terram, & super terrena membra sua tenent Principatum.* Optimè ingeniosus Academicus vitutem Dei expressit, pingendo jugum ac loco lignorum, in pice jugi prominentium, duo sceptra cancellata efformans: *Subscriptione: Serviendo regnat. Servire Deo, regnare est.* Hoc tur S. Ambrosius in cap. 17. Lucae: *Qui Rex esse vult, sit servus Domino, ea enim parte, quâ participamur servitute, participemus Regno, & non simus tantum subservientes, sed & regnantes.*

## CONCEPTUS V.

Quid sublimius maternitate Virginis? Audiatur Bernardus de Nativitate: *B. M. V. Magnum est, Angelo ut Minister sit Dominus, Maria sublimius quidam meruit, ut sit Mater; fæcunditas ita*

*Virginis supereminens gloria est, tantoque excellentior Angelis sanctis, munere singulari, quanto differentius praeministris nomen accepit. Nervosè loquitur Petrus Cellensis. lib. de panibus. cap. 21. Si Cœli Reginam, si Angelorum Dominam, vel quodlibet aliud excellentissimum, tam ab humano corde, quam ore excogitatum pro-tuleris, non assurget ad hunc superindicibilem honorem, quo predicitur Dei genitrix. Quando in tantam excellentiam, ac sublimitatem surrexit Maria? tunc, dum Lucæ 2. cap. Ancillam Domini se nominat, Mater Dei effecta est. Sic subscripte Arnoldo Carnotensi lib. de laudibus Mariæ. Maria, Domina licet, se profiteretur Ancillam, hoc servitutis genus, omni Regno sublimius esse intelligit. Servire Deo ergo, regnare est.*

## CONCEPTUS VI.

Salomon Ecclesiast. cap. 6. quemvis erudit: *Audi fili, accipe consilium intellectus, & ne abjicias consilium meum, injice pedem tuum, in compedes illius, & in torque. Mirabilis locutio, injice pedem tuum in compedes, & in torque. Compedes serviles sunt, sclavum, mancipium denotant: Torques Regem, & Principem honoratissimum signant: Quæ connexio servilibus compedibus, cum torque regio? An fors compedes servitutis Dei, Altissimus in torque aureos honorum, dignitatum, benedictionum, & affluentiarum transformat? sic afferente Philone Hebræo: Servire Deo, maxima gloriatio est. &c. ut supra in Exordio.*

## CONCEPTUS VII.

De servis suis, inquit Christus Joan. 17. cap. claritatem, quam dedisti mihi, dedieis. Desuper querit D. Chrysostomus. Numquid erit æqualis claritas, Domini & Servorum? & verò erit. Probo, secundum illâ illustri. Matth. 17. cap. ubi de clarificato, & transfigurato Domino, inquit S. Evangelista: *Resplenduit facies ejus, sicut sol. Quid nunc asserit, de splendore servorum, Æterna Veritas? audiamus: Justi fulgebunt, sicut sol, in regno Patris eorum.* Matth. 13. cap. O dignitas servitutis Dei! claritate Domini donantur, & servi; ergo servire Deo, regnare est.

A a 2

CON-

## CONCEPTUS VIII.

Lignum Crucis quam honorificum est nunc omni credenti. Paulus ad Galat. 6. inquit: *Abst mibi gloriari, nisi in cruce Domini nostri Jesu Christi.* Gloriam ligni Crucis, extollit S. Augustinus tract. 66. in Joan. *Nihil est nunc Crux in fronte glorioius.* Crucifixum, quid tam gloriosum, honorificum fecit? fecit, quia Christus servivit, ad opus Redemptionis generis humani. Argumenta nunc eleganter Laurentius Justinianus. *Quid servat fidei suam honorem dedit supplicio suo?* exinde nos hortatur.

Epiloga.

Hec quanta sint, cogitemus, hac in statera cordis nostri addamus, & rotus nobis figuratur in corde, qui totus nobis fixus est in cruce. Concludo cum S. Augustino, in Psal. 118. *Servus tuus ego, inquit David, & subnecet; salvum me fac: simus & nos servi Dei, ut cum Prophetâ dicere possimus:*

*Tui sumus, salvos nos fac.*



\*\*\*\*\*

## IN FESTO S. MATTHIAE APOSTOLI.

### CONCIO TERTIA.

*Cecidit sors super Matthiam. Act. 1. cap.*

*Textus.*

In omni statu homo salvari potest , modò *statui, sorti, conditioni, vocationi suæ* *competenter vivat, exinde dependet o-*  
*mnis, tam temporalis, quam æterna felici-*  
*tas.*

**S**anctus Evangelista Matthæus cap. 17. narrat, Christum *Exordium,*  
Dominum nostrum, in montem Thabor, ad transfigu-  
rationem & clarificationem suam, assumpisse Petrum,  
Jacobum, Joannem, Moysen, & Eliam. Per hanc trans-  
figurationem, prægustum æternæ felicitatis & salutis  
denotari, nemo dubitat. Ad hanc, cur quæso Petrum, Jacobum,  
Joannem, Moysen, & Eliam assumpsit? Motivum edocet Ludol-  
phus Carthusianus inquiens, per hos viros, ad intuendam Chri-  
sti clarificationem, intelligi omnem in mundo excogitabilem sta-  
tum, sortem, ac conditionem; nempe per Petrum & Jacobum,  
Statum Ecclesiasticum & Sacerdotalem: per Joannem, statum vir-  
ginitatis: per Eliam, statum claustralem, monasticum, & eremi-  
ticum: per Moysen, statum matrimonii. Assumpsit ergo Christus  
Dominus, ad transfigurationem suam, & claritatem cœlestem  
intuendam, prægustum æternae salutis fruendum, zelosissimos Ec-  
clesiasticos, Episcopos, & Præpositos, Petrum & Jacobum: inte-  
geri-

A a 3

gerrimam virginem Joannem : relligiosissimum monachum dicitam, Eliam : curis matrimonii, & negotiis seculi implicantem virum sacerdalem Moysen : ostendens, in omni statu, ad mortis visionis beatificem, & ternæ salutis, hominem pervenire posse scribente S. Chrysostomo hom. 4. in Isaiam : *Volo igitur de te vobis, quod neque nuptia, neque pueri, neque negotiatio, neque virtus, neque inopia, neque aliud quidquam, a regno cœlorum pediant.* Si ergo omni statui, sorti, ac conditioni faveat Deus, & sione suâ dignatur; hinc quisque suâ sorte, statu, & condicione contentus vivat. Hortatur nos Sacra Scriptura : *Unusquisque proprium donum habet a Deo, alius sic, alius verò sic ; unusquisque verò, sicut eum vocavit Deus, ita ambulet, & in eâ unde vocatus, in eâ permaneat.* S. Paulus 1. ad Corinth. cap. iterum : *Unusquisque in vocatione, in quam vocatus est, in eâ permaneat, & sorte suâ contentus vivat.* 2. ad Corinth. cap. 7. Rom. cap. 12. inquit : *Non plus sapere, quam oportet sapere sapere ad sobrietatem, & sicut unicuique Deus divisit secundum mensuram fidei.* Lucas in Actorum cap. 10. scribit : *In veritate comperi, quia non est personarum acceptor Deus, sed in omnibus qui timet eum, & operatur justitiam, acceptus est ei.* Unde primum est Danielis cap. 10. ita in gradu tuo, & Eccles. cap. 1. net : *Altiora te, ne quiesceris.* Audiamus Patres : *In quo vocata opere, firma anchoras, & funes.* Ephrem Syrus in 1. Epist. Patrum Corinth. Maximè admittendum est, ut unusquisque officia sua Oleaster. in cap. 22. Deuteronom. Certum est, ex rectâ electione tuus vocationisque sue impletione, magnâ ex parte dependere, tiam cordis nostri, conscientia pacem, profectum in spiritu, in vita nostrâ directionem, in virtute perseverantiam, & ipsam stram salvationem. perorat Anonymus : *Solitarii & Urbani, lares, & mercenarii, in singulis fieri potest, ut Deo placeamus, posuit leges, congruentes illi vita, quam unusquisque eligit.* Tadoretus, citatus à Glosâ : *Sicut scala, per quam ascenditur in deum ex variis composita, & constructa est gradibus, ita fideles, rati-*

Textu S.  
Scriptura.

Patres:  
S. Ephrem,

ptionis & meritorum Christi participes, per varios gradus vocatio-  
num, professionum, & statum, ascendunt in cælum. Apud  
Lohnerum, Verbo Vocatio. Similitudine 1, divino Dei auxilio, de-  
super Conceptus deducam.

## CONCEPTUS I.

De Salvatore nostro JEsu Christo, inquit Isaías cap.7. *Vocabitur Confirmatio  
nomen ejus Emmanuel, butyrum & mel comedet, ut sciat reprobare seu  
malum, & eligere bonum.* Lucas etiam cap.2. memorat, duodenem *Deductio.*  
puerum Jefum, charissimos parentes invenisse, in medio Doctorum,  
audientes & interrogantes eos. Doctissimus Nyffenus notat parti-  
culam *ut non denotare tempus futurum, quasi primum sciat, discat,*  
sed verba tempus præsens indicant, jam scit, jam plenè instructus  
est, reprobare malum, & eligere bonum : Si scit, cur ergo ut puer  
parvulus, butyro enutrir, cur ut tyro & discipulus instrui, & do-  
ceri voluit? ad primum membrum respondet Ramirez de Prado:  
*Puer hic, quia nasciturus est, Deus est, quamvis ipse sit perfectus, nec in  
Sapientia possit crescere, more puerorum educabitur, butyro scilicet  
& melle, ut parvuli infantuli solent educari;* Ut doceat, statui, con-  
ditioni se quivis accommodet, & secundum statum suum se gerat:  
Puer natus, licet Deus fuerit perfectissimus, ut puer, ut parvulus  
tractari voluit. Pariforma respondet, ad secundum membrum, ve-  
nerabilis Beda in Cat. D. Tho. fol. 162. & S. Bonaventura, apud Jo-  
annem Sylveiram. Tom. 1. Lib. 2. Cap. 10. Quæst. 16. Num. 51. fol.  
348. *Ad ostendendum, quod homo erat, homines magistros humiliter  
audiebat;* Sunt verba Bedæ. In hoc spiritualiter est intelligendū, quod  
Christus docet nos, quod antea debeamus discere, quam docere. Sic Bo-  
naventura: *Ita ergo in gradu tuo, unusquisque in vocatione, in quā  
vocatus est, in eā permaneat, & sorte suā contentus vivat.* Sorte  
nimur, quæ super quemque cecidit.

## CONCEPTUS II.

Narrat S. Evangelista Lucas cap.22. Christum in ultimâ coenâ,  
sermonem ad discipulos habuisse: *Qui non habet, vendat tunicam,*

¶

*& emat gladium.* Tunc extemplo discipuli : *Ecce duo gladii hu-*  
*Dominus respondet. Satis est.* Gladium ergo assumit Petrus, eos  
*defendit in horto charum Magistrum suum. Simon ergo habet*  
*gladium, eduxit eum, & percussit Pontificis servum, & abscedit*  
*culam ejus dexteram.* Joann. 18. cap. Putabitis, Petrum acutum  
*nerosum, Deo placitum exercuisse, minimè : ut facinus defat*  
*Christus reprehendit. Mitte gladium tuum in vaginam.* Quid  
*An non gladium Christus comparare jussit ? Nunquid, cum di-*  
*gladios discipuli præsentant, eos approbat. Satis est.* Cur ergo  
*Petro indignatur, Petrum reprehendit, cum gladio, è sincera in-*  
*tione contra Christi inimicos utitur ? Quid judicatis, per duos*  
*dios, quos Christus approbat, intelligi intelliguntur dua potestia*  
*prima sacerdotum, & spiritualis, altera regum, & illa secularis, ac*  
*restris : Reges ferro materiali dimicent, reos plectant, hostes*  
*pugnant. Sacerdotes gladio spirituali verbi Dei, peccatores op-*  
*gnent, sceleratos verbo Dei coercent, ad meliorem frugem de-*  
*cant. Sic afferente S. Anselmo ex Comment. in Matth. cap. 26. Da*  
*ergo materialis gladius carnalibus, spiritualis autem, ministri*  
*ritualibus.* Petrus nunc à Christo sacerdos creatus, gladium  
*quisivit, sed spiritualem, verbi Dei, & non materialem, ira, vindicta,*  
*sanguinis : reprehenditur ergo Petrus à Christo, materialem*  
*dium assumens, perquæ hoc instruitur, gradum, sortem, con-*  
*nem, vocationem observandam esse, sacerdotem placere Deo*  
*cionantem, displicere digladiantem ; standum ergo cuique in g*  
*suo, in vocatione, quæ vocatus est, permanendum esse. Sic*  
*cludit Conceptum Anselmus : Sicut non convenit regibus, qui*  
*stolam pertinet, sic nec Episcopis, qua regis sunt, exercere debet*  
*quia Petrus quodammodo exercuit, à Domino increpari mere-*

### CONCEPTUS III.

Jacobus ex Mesopotamiā redux, dum in Bethel venisset, abu-  
 ribus, liberis, ac re domesticā se absentans, totā nocte cum An-  
 gelo luctatur, aurorā illucescente Angelus Jacob hortatur. Dimitte  
 jam enim ascendit aurora. Genes. 32. cap. S. Thomas Aquinas en-  
 cat, quæ fuerit hæc lucta, & quis luctans fuerit Angelus : Lucta  
 dicit fuisse ferventes preces, & Orationem, cui totā nocte Jacob

stabat : Angelum luctantem, glossa dicit, fuisse Christum , verbum incarnatum. Si lucta Jacob , tervens oratio ad Deum fuit, Christus vero, verbum incarnatum, preces, orationes continuare præcipiat: *Petite, & accipieris : pulsate, & aperietur vobis.* Lucæ 2. cap. hinc valde mirandum est, quod orationem & preces, Jacobum abrumperre, cessare, & finire hortetur. Quid causæ subest, quod preces, & orationem Jacob cessare velit? Glossa interlinearis causam advertit: Jacob secularis, maritus erat, uxores, liberos, copiosam familiam, turmas gregum numerabat: talem cessare, & finem imponeere precibus jubet, & ad domesticas curas, labores, onera, sollicitudines reverti imperat ; status, professio, fors, conditio, non erat monachus, quorum status exigit, noctibus psallendo, orando, meditando consumere, Jacob œconomus, Paterfamilias erat, quibus incumbit, consolari uxores, liberis, & famulatui , ac rebus domesticis prospicere, mensæ necessaria providere, labores quotidianos exercendos imperare, an hi ritè peracti sint, inspicere: jubendo, ut cesseret Jacobus ab oratione, jubet stare in gradu suo, vocationi, quā vocatus erat, convenienter vivere, œconomum, Patremfamilias, non magis chorūm , quā agrum excolere debere, quisque in vocatione suā, quā vocatus est, permaneat, vult Deus, exigit Deus, placet Deo. Videamus hoc ulterius.

#### CONCEPTUS IV.

Christo Salvatore nostro sepulto, summo mane , adhuc in tenebris, excurrunt mulieres ad sepulchrum, videre defunctum corpus Jesu. *Cum transisset Sabbathum, Maria Magdalena, & Maria Jacobobi, & Salome emerunt aromata, ut venientes ungerent Jesum,* & valde mane, una Sabbathorum, veniunt ad monumentum. Marci 16. cap. S. Paulus præscribit mulieribus, domis, & domesticorum curam habeant: in plateis & foro discurrere, minimè approbat; hæ mulieres, domo se absentant, extra procurrunt, Dominus IESUS tamen eas non increpat, minimè exprobrat, imò approbat actum harum mulierum, sibi gratum, acceptum demonstrat. Quā de causa? Causa patet, ex citato cap. 16. Marci. *Cum transisset, &c.* Nota te: *Ut venientes ungerent Jesum.* Lavare, mundare, ungere, & inungere,

B b

gere,

gere, officium, munus, est statūs, & fortis fæmineæ ; non ergo impat pias fæminas Christus, licet excurrentes, quia statūs, & in suæ munus egerunt : adeò placet Deo, statui suo vivere competenter, convenienter. Bellè describit Conceptum istum S. Petrus Chrysologus serm. 82. *Fæmina Christi obsequium suscipiunt, Apostolipnes : illæ portant aromata, isti flagella, illæ ad obsequium festina iifti ad carceres properant.* Hinc capio illam Christi parabolam Matth. cap. 13.

## CONCEPTUS V.

*Simile est regnum cœlorum, quod acceptum homo, misit in hunc suum.* Et iterum : *Simile est regnum cœlorum fermento, quando-  
rum, mulier abscondit in farina sata tria.* Lucæ 15. cap. At Christus narrat parabolam, nempe : Quæ foris sunt oves, curu-  
quærere virum, ac Patrem familiæ. Mulierem & matrem fami-  
liæ domi sunt, curare, & drachmam deperditam quærere. Doctrinæ per has parabolas Christus nobis præbere voluit? Reddet S. Petrus Chrysologus serm. 99. *Res de usu geritur, vir in  
granum sinapis serit, domi mulier fermentum procurat, &  
preparat alimonia, quia virum foris expectat labor, intus in  
rem domestica cura constringit.* Docet ergo Christus, quām  
sibi placeat statūs, fortis, conditionis observantia : ubi, ubi, officium, in quod Deus hominem posuit, accuratè observantia : vir agrum colat, mulier domestica negotia peragat, ibi con-  
litudinem aliquam esse, tales statūs sui observantes, jam ce-  
neditionibus, in terris perfrui : nihil perdere, sed Dei adjutoria  
ra indies invenire, & lucrari. Exemplar sit Domus Abrahæ, &  
Noë.

## CONCEPTUS VI.

Genesis 18. cap. legitur, majestatem divinam dignatam habere Abrahamum invisere, & apud eum divertere : O felix & benedictus domus, in quâ Deus divertit ! quid movit Altissimum, apud Abrahæum divertere ? & suâ clementissimâ præsentia domum Abra-

beare, & benedicere? non fallar, si dixero, ad tantas gratias, & favores Deum commotum esse, propter optimam domus ordinatem, & ordinatissimam rei domesticæ, status, ac sortis administrationem; Abraham providus Paterfamilias, & oeconomus, foris ad armenta, ad greges, ad agros, ad campos agebat: Sara diligentissima oecoma, & materfamilias domi degebat, ac domus negotia tractabat, Audiamus Scripturam: *Ipse vero ad armentum cucurrit, & tulit vitulum tenerimum & opatum.* Sara, ut imperatum est: *Accelerata tria sat a simile commisce, & fac subcineritos panes.* Panes pnisit, & coxit. Status, sortis, & conditionis cujusvis accurata observatio, summè, placet Deo, facit Deum divertere suis gratiis & benedictionibus.

### CONCEPTUS VII.

Quis non miretur, quod Arca Noë, in tantis tempestatibus à naufragio præservata sit? omnis generis animalia, congregata in arcâ erant, ingens pondus, & moles; spumantes fluctus, nisi inde in arcam impegerunt, arca tamen suavissime & securissime deducebatur. Quis causalē dicet, arcam in tantis procellis illæsam conservatam esse? S. Gregorius Hom. 28. in Evangelia afferit, rectam & convenientem status observationem, arcam conservasse: Verba Gregorii sic sonant. *Illam arcam, inferius bestias, superius vero aves, & homines habuisse.* Bestiae, ut mole corporis graves, inferius in centro, quæ sors & status, omne grave concernit, habitabant: homines gubernatores arcæ, medium contignationem, ut tam illa, quæ infinita, quam supremâ contignatione fiunt, ordinatè inspiciant, habitabant: in tertiat, supremâ, & altissimâ contignatione, aves, à naturâ & conditione, alta appetentes morabantur. Pulcherrima status, sortis, & speciei cujusque observatio: & mediâ hâc elegante, status, sortis observatione, arca sine periculosa concussione, quietè ac suaviter super undas, Deo rectore, Deo duce deferebatur. Sic, ubi in domo aliquâ, ac familiâ, est ordinata status observatio, quivis sorte suâ, munere suo, conditione, in quâ eum Deus posuit, contentus ac pacatus vivit, talis domus, familia feliciter conservatur, securè ad portum felicitatis deducitur.

Ergo quivis suâ sorte contentus sit, & felix erit, ac beatus.

*Epilogus.*

Bb 2

MAR-